



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**

Broj: 02-11-3-3129-13/22

Datum: 02.12.2022.godine

Na osnovu člana 70. stav 1. a u vezi sa članom 69. stav 2. tačka e) Zakona o javnim nabavkama Bosne i Hercegovine ("Službeni glasnik BiH", broj: 39/14) u ponovnom postupku a u vezi sa Rješenjem Ureda za razmatranje žalbi, Filijala Mostar broj:JN2-03-07-1-2983-7/22 od 18.11.2022.godin, Općinski načelnik, donosi:

**ODLUKU**

o poništenju postupka javne nabavke

**I**

Postupajući po Rješenju Ureda za razmatranje žalbi, Filijala Mostar broj:JN2-03-07-1-2983-7/22 od 18.11.2022.godin u ponovnom postupku poništava se postupak javne nabavke radova, "Izgradnja objekta osnovne škole 9. Septembar u Medakovu, općina Tešanj - faza IV", koji je objavljen na Portalu javnih nabavki dana 12.09.2022.godine pod brojem: 375-1-3-178-3-57/22, obavještenje o nabavci objavljeno u sl.glasniku BiH broj: broj:63/22 dana 16.09.2022.godine pod brojem:SI-22141-22.

**II**

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav 2. Zakona o javnim nabavkama.

**III**

Ova odluka objavit će se na web-stranici Općine Tešanj, [www.opcina-tesanj.ba](http://www.opcina-tesanj.ba), shodno članu 70. stav 6.Zakona o javnim nabavkama.

**O b r a z l o ž e n j e**

Općina Tešanj je Odlukom broj:02-11-3-3129-9/22 od 11.10.2022.godine poništila postupak javne nabavke za radove "Izgradnja objekta osnovne škole 9. Septembar u Medakovu, općina Tešanj - faza IV", koji je objavljen na Portalu javnih nabavki dana 12.09.2022.godine pod brojem: 375-1-3-178-3-57/22, obavještenje o nabavci objavljeno u sl.glasniku BiH broj: broj:63/22 dana 16.09.2022.godine pod brojem:SI-22141-22. Naime Komisija za otvaranje ponuda je Zapisnikom o pregledu i ocjeni ponuda broj:02-11-3-3129-8/22 od 10.10.2022.godine utvrdila da je u predmetnom postupku javne nabavke u propisanom roku dostavljena samo jedna ponuda i to ponuda ponuđača INTER doo Tešanj, te je ista bila formalno ispravna. Iz istog Zapisnika je vidljivo da je procijenjena vrijednost nabavke bila 164.987,26KM bez PDV-a a da je cijena ponude bila 200.353,75KM bez PDV-a, te je Zapisnikom od 10.10.2022.godine, preporučila ugovornom organu da u skladu sa članom 69. stav 2. tačka e) Zakona o javnim nabavkama, donese odluku o poništenju postupka jer je predmetna ponuda cca. 17,66% više od procijenjene vrijednosti javne nabavke.

Na predmetnu odluku žalilac je u zakonom propisanom roku podnio žalbu, naime odluku je primio dana 18.10.2022.godine a žalbu je uložio dana 24.10.2022.godine, ističući u svojoj žalbi da činjenica što je njihova ponuda viša od procijenjene vrijednosti ne mora to biti i nužno razlog za ugovorni organ da poništi postupak, te ističe u žalbi da ugovorni organ ničim nije dokazao da nema osiguranih nedostajućih sredstava.

Ugovorni organ je za uloženu žalbu u skladu sa članom 100. Zakona o javnim nabavkama Bosne i Hercegovine ("Službeni glasnik BiH", broj: 39/14) utvrdio da je blagovremena, dopuštena i izjavljena od ovlaštenog lica, ista je uz izjašnjenje ugovornog organa i kompletan spis dostavljena Uredu za



razmatranje žalbi, filijala Mostar koji je svojim Rješenjem broj:JN2-03-07-1-2983-7/22 od 18.11.2022.godine poništio Odluku ugovornog organa broj:02-11-3-3129-8/22 od 10.10.2022.godine i predmet vratio na ponovno postupanje. U obrazloženju rješenja Ured za razmatranje žalbi navodi da je ugovorni organ kod donošenja odluke trebao dokazati da ne može osigurati dodatna sredstva za predmetni postupak javne nabavke ili da su ponuđene cijene iznad tržišnih cijena te da nisu prihvatljive paušalne, proizvoljne i formalne konstatacije ugovornog organa i da se time ne poštuju pravila postupka te da se na njima ne može održati odluka, te da je obaveza ugovornog organa da u ponovnom postupku vodi računa o pravilima postupka, te da na osnovu utvrđenih činjenica donese pravilnu i zakonitu odluku.

Postupajući u ponovnom postupku ugovorni organ je donio odluku kao u tački 1. dispozitiva iz slijedećih razloga, naime iz Odluke o pokretanju postupka broj:02-11-3-3129-2/22 od 12.09.2022.godine vidljivo je da je ukupna procijenjena vrijednost nabavke (ugovora) 164.957,26KM bez uključenog PDV-a a koju plaća Općina Tešanj kao ugovorni organ iz sredstava Ministarstva obrazovanja, nauke, kulture i sporta Ze Do kantona. Naime Vlada Ze-Do kantona na svojoj 168. sjednici dana 18.08.2022.godine donijela je Odluku broj:02-11-12618/22 od 18.08.2022.godine o odobravanju sredstava općini Tešanj u svrhu sufinansiranja projekta izgradnje novog školskog objekta JU Osnovne škole "9. septembar" Medakovo, općina Tešanj u ukupnom iznosu od 200.000,00KM sa obavezom da nadležno kantonalno ministarstvo sa općinom Tešanj potpiše ugovor o prenosu sredstava sa ciljem realizacije odobrenih sredstava. Ministarstvo za obrazovanje, nauku, kulturu i sport Ze-Do kantona sa općinom Tešanj je dana 19.08.2022.godine pod brojem 10-11-12618-1/22 potpisalo Ugovor o prenosu sredstava u svrhu sufinansiranja školskog objekta JU Osnovne škole "9. septembar" Medakovo, općina Tešanj u iznosu od 200.000,00KM, te su ista a što je vidljivo iz "konta broj:742114 Primljeni kapitalni transferi od kantona" i doznačena općini Tešanj. I iz odluke Vlade Ze Do kantona kao i iz Ugovora o prenosu sredstava vidljivo je da je općini Tešanj namjenski odobren iznos od 200.000,00KM na ime finansiranja izgradnje predmetnog objekta, uz napomenu da je općina Tešanj odgovorna za namjenski i zakonit utrošak odobrenih sredstava uz obavezu da dostavi izvještaj o namjenskom utrošku sredstava. Dakle općina Tešanj kao ugovorni organ je pokrenula ovu nabavku radova isključivo na osnovu odobrenih sredstava od strane Vlada Ze-Do kantona a prenesenih na općinu Tešanj od strane Ministarstva obrazovanja, nauke, kulture i sporta Ze Do kantona, dakle za ove radove općina je imala obezbijedena sredstva a što se moglo vidjeti i iz Odluke o pokretanju postupka javne nabavke broj:02-11-3-3129-2/22 od 12.09.2022.godine. Kod planiranja javne nabavke (ista je u Planu javnih nabavki za 2022.godinu pod rednim brojem 40.) kao i kod pokretanja postupka za realizaciju ove nabavke nisu planirana sredstva općine Tešanj, te samim tim ugovorni organ nije u mogućnosti da u predmetnoj nabavci odobri dodatna sredstva za realizaciju iste.

Shodno tome ugovorni organ je prihvatio u predhodnom postupku a i u ponovnom postupku preporuku Komisije za javne nabavke sadržanu u Zapisniku o pregledu i ocjeni ponuda broj:02-11-3-3129-8/22 od 10.10.2022.godine da ugovorni organ u skladu sa članom 69. stav 2. tačka e) Zakona o javnim nabavkama poništi postupak javne nabavke radova "Izgradnja objekta osnovne škole 9. Septembar u Medakovu, općina Tešanj - faza IV", jer je cijena ponude ponuđača INTER doo Tešanj znatno veća od osiguranih sredstava za predmetnu nabavku, naime procijenjena vrijednost javne nabavke a samim tim i osigurana sredstva za istu bez PDV-a su 164.957,26KM, cijena ponude INTER doo Tešanj iznosi bez PDV-a je 200.353,75KM, što je cca. 17,66% više od planiranih sredstava za predmetnu nabavku, odnosno od odobrenih sredstava od strane Vlada Ze-Do kantona. Ugovorni organ na ovaj način dokazuje da nema na raspolaganju nedostajuća sredstva te smatra budući da nema na raspolaganju nedostajuća sredstva da nema razloga i potrebe da u ovom predmetu istražuje i dokazuje da li su predmetne cijene iznad tržišnih cijena, jer su to cijene sa kojima je u predmetnom postupku nastupio sam ponuđač.

Uzimajući u obzir sve navedeno odnosno imajući u vidu činjenicu da pristigla ponuda nije prihvatljiva jer je cijena ponude znatno veća od osiguranih sredstava za predmetnu nabavku, a budući da je ugovorni organ od višeg niva vlasti obezbijedio sredstva za predmetnu nabavku u određenom iznosu a dostavljena ponuda je znatno veća od osiguranih sredstava, a ugovorni organ nema mogućnosti namirenja sredstava to je u ponovnom postupku primjenom člana 69. stav 1. tačka b) i stav 2. tačka e). Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) odlučeno kao u dispozitivu ove Odluke.

**Pouka o pravnom lijeku:** Žalba na Odluku o poništenju postupka izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

**DOSTAVLJENO:**

1. Ponuđači x1,
2. Služba za finansije, privredu, komunalne i inspeksijske poslove,
3. Web stranica općine Tešanj, elektronski,
4. Predmet.

*Hančić*



**OPĆINSKI NAČELNIK**

mr.sci. Suad Huskić

